

陳子昂

崔融

竹居攷廬

全唐文
卷二百十六之二百十九

卷之四

四

四

欽定全唐文卷二百十六目錄

陳子昂八

率府錄事孫君墓誌銘

唐故袁州參軍李府君妻張氏墓誌銘


上殤高氏墓誌銘

唐陳州宛邱縣令高府君夫人河南宇文氏墓誌

銘

故宣議郎騎都尉行曹州離狐縣丞高府君墓誌

銘



欽定全唐文卷二百十六目錄

堂弟孜墓誌銘

周故內供奉學士懷州河內縣尉陳君石人銘

館陶郭公姬薛氏墓誌銘

我府君有周居士文林郎陳公墓誌銘

唐水衡監丞李府君墓誌銘

禡牙文

崇海文

國殤文 并序

弔塞上翁文

祭孫府君文

爲建安王祭苗君文

祭黃州高府君文

祭外姑宇文夫人文

祭韋府君文

祭率府孫錄事文

祭李叔子文

祭韋叔文

祭李叔子文夫人文

祭李叔子文

祭李叔子文

祭李叔子文

欽定全唐文卷二百十六

陳子昂

率府錄事孫君墓誌銘

嗚呼君諱虔禮字過庭有唐之不遇人也幼尚孝悌不及
學文長而聞道不及從事得祿值凶孽之災四十見君遭
讒慝之議忠信實顯而代不能明仁義實勤而物莫之貴
陘厄貧病契闊良時養心恬然不染物累獨考性命之理
庶幾天人之際將期老而有述死且不朽寵榮之事於我
何有哉志竟不遂遇暴疾卒於洛陽植業里之客舍時年

若干嗚呼天道豈欺也哉而已知卒不與其遂能無慟乎
銘曰

嗟嗟孫生人見爾迹不知爾靈天竟不遂子願今用無
成嗚呼蒼天吾欲訴夫幽明

唐故袁州參軍李府君妻張氏墓誌銘

夫人諱某清河郡東武城人也昔軒轅錫允弧矢崇威畏
其神者三百年得其姓者十四族金

葉漢天子之忠

臣鼎足三公晉武皇之名相孤卿玉帛

有其庸曾祖某

北齊太常卿徐兗二州刺史天人之禮

爭於秩宗侯伯

之尊寵優於露冕祖某隋汾陰壽春陽城三縣令襲公侯
之瑞屈銅墨之班士元非百里之才太邱有三台之望父
某唐戶部侍郎復毫建三州刺史尚書北斗始贊於南宮
方岳專城終榮於獨坐夫人即刺史之第若干女也稟柔
成性蘊粹含章承禮訓於公庭習威儀於壺則夫其窈窕
之秀婉孌之姿貞節峻於寒松韶儀麗於溫玉鉛華不御
飾環佩之容浣濯是衣勤黼黻之綵自作嬪於君子主中
饋於家人三千之禮不違九十之儀無慝至乃恭於奉上
順於接下仁孝以承宗祀慈惠以睦閨門則雍雍蹌蹌必

由其道矣嗚呼府君不造遘此閔凶中年不圖早世而殞
青松摧折哀斷女蘿之心丹節孤高終守柏舟之誓而府
君食先人之德無厚生之財夫人徇黔婁之貞闕丹臺之
產孀居永日蓬首終年處貧素而彌堅保幽芳而不昧始
府君之逝有四子焉少遭罔極之哀未奉過庭之訓夫人
保持名教終始禮經旣勗之以義方又申之以遠大皆自
率由慈訓克荷嘉聲箕裘之業載隆燕翼之謀不實非夫
淑明賢懿聖善溫良崇婦道之深規宏母儀之至範孰能
昭宣令問若斯之盛哉彼蒼不忱殲我眉壽春秋若干載

初元年月日遘疾終於洛州某里之私第嗚呼哀哉夫人
令儀有穆惠問無喧敦雅志於詩書婉嫺情於琴瑟若乃
姆師酒食之議女工纂組之繁莫不總制清衷宏宣懿則
茂蘋蘩之雅訓協沼沚之芳猷雖古稱敬姜詩云淑女論
容比德殆無以過穠華不居私局永闕嗣子某等悲摧藥
棘思結寒泉永惟同穴之儀仰遵歸祔之典以大周天授
二年二月日朔遷祔於袁州府君之舊塋禮也合葬非古
奉周公之儀墓而爲墳宗仲尼之訓嗚呼鴛鴦之樹眇
於松楸鼓吹之山緬然於邱壠原陵何代銘誌無文有哀

黃鳥之詩遂勒青鳥之兆銘曰

詩云淑女君子好求懿哉令德嘉儀聿修溫容玉映峻節
松楸妙心彤史潔志元猷昭宣壺則惠穆蘋洲共伯早逝
貞姜獨留熒居蓬首哀深柏舟彼蒼不憇此夜長幽懷南
風之吹棘想北隴以同邱 齊春兮白日獨昭昭以悠悠

上殤高氏墓誌銘

維唐垂拱二年太歲景戌

月二十日殤子高氏卒嗚呼

哀哉含瓊敷而不玉實者有矣夫我觀顛元機化出入天
壽之數榮落之原皆一受而不易者也悲夫古人之仁懿

中庸不幸短命今復見之於高子矣高子渤海菑人也黃
州府君之幼孫宛邱府君之叔子生而岐嶷實覃實華越
在襁褓神明滋茂童蒙淵敏光潤玉顏八歲始教方書受
甲子已知孝悌之道詩禮之規宛邱府君鍾愛之他日嘗
趨庭與諸兒戲神情涵泳綽然如鴻雛鵠子有青雲之意
也府君美之曰能光我家者此兒十五通左氏春秋及尚
書飛騫之志日新宏大矣不幸享年十七遇暴疾而夭嗚
呼哀哉宛邱府君感慟哀過於禮曰不恨爾壽之不長惜
爾器之不彰夫何苗育今也則亡嗚呼吾將老矣爾遠何

哉其年七月殯於家園日月云徂六載於茲矣天授二年
龍集辛卯府君方大崇元域以安先兆諸子之柩皆祔焉
其年二月癸卯朔十八日庚申啟殯歸瘞於大塋禮也銘
曰
來不可遏去不可止唯死與生由生以死於戲殤子噫何
往矣傷慈父之肝情獨冥冥而長已死而有知可也若其
無知悲爾

唐陳州宛邱縣令高府君夫人河南宇文氏墓誌

銘

夫人諱某河南郡人也昔吾君夏后氏之子霸有幽都皇
運北興鼎圖南起開寶符而帝天下撫璿璣而王中國則
後周之受命武帝之雲孫夫人四代祖也曾祖某失周子
之封七山陽之國雖存天子之允已類咸陽布衣植德早
天祖某隋朝官澧州澧陽縣令父某龍州司法皆承家席
寵代有令名夫人賁穠華襲繁祉崇徽惠穆秀色苕榮自
於幼年有令儀也十四適於高府君夫其溫慈惠和信肅
修穆行有法度動有禮經嚴恪以理家人閒瑟以和君子
則已含乎光大矣若乃宗廟衷敬仁孝也娣姒祗和謙順

也蠲潔酒食婦儀也黼黻元黃女工也宏此四德而務六親
鞶帨以文之雜佩以發之猗可以作範毋
宣靈則

矣至於訓子以睦教女以順愛下以慈與人以讓外以贊
府君之德內以光中饋之教皆曰聞其進不見其退也嗚
呼仁而不壽生也永終永淳元年五月遇疾終於宛邱縣
之官舍時年二十七嗚呼哀哉高府君尋以公事罷職山
塋未卜旌旒來歸府君思北海之魂留東園而殯日月遂
往九歲於茲府君方崇樹先塋增封舊域以大周天授二
年太歲辛卯二月癸卯啟殯於東園遷祔於洛州某原禮

也哀哉夫人雅有高行終而不忘以爲厚葬非禮也是以
珠玉不飾塶瓦是藏高府君聿遵其志率以薄葬於戲非
古之明德淑女金玉其光何以躋之吾忝門閭之賓覩其
家道矣雍穆懿鑠實有清風故敘之而未克德也銘曰

天天桃李有華兮灼灼淑人宜家兮修睦婦道不譁兮窈
窕嬪儀孔嘉兮榮采之方茂而云亡兮咨嗟

故宣議郎騎都尉行曹州離狐縣丞高府君墓誌

銘

君諱某字某其先渤海椿人也因仕居洛今爲陽翟人昔

赭鞭乘運襲炎帝之宗蒼兕應期承太公之允崇勛霸業
光烈猶存曾祖某北齊太子中舍人贈冀州刺史青宮近
侍光寵朝班阜蓋追榮恩崇國禮祖欽仁隋左親衛大都
督檢校祕書郎帶七尺劍始遊天子之階持三寸筆終入
芸香之閣父相唐江州潯陽縣令舒州懷寧縣令絃歌之
化身不下堂神明之威蝗猶避境君即懷寧府君之長子
也黃河一直青松萬仞性惟仁孝行實溫恭文義必以潤
身名節由其徇物唐龍朔元年有制舉忠鯁君對策及第
試永州湘源縣尉位卑黃綬志在清規秩滿以常調補鳳

州黃花縣丞梁竦長懷尚勞州縣桓譚不樂空負琴書又
轉易州遂城縣丞以管輅之材從趙典之任古人斯在君
子居之大周革命任曹州離狐縣丞而春秋已高日月方
出武盡美矣不得夷齊之臣文哉郁乎自邈夏商之道於
是因階秩滿告老歸閑閉郊扉於南野習巖居於東澗詩
書琴酒以觀先達之風山水邱園將爲遺老之賞天授二
年歲在單閼七月二十二日考終厥命卒於陸渾縣明高
之山莊時年七十有二嗚呼哀哉君雅尚節義素履元亨
懷古人之遠圖慕先賢之遺烈以爲桓黜石擲非則於禮

經墨翟桐棺實宜於聖典遺令薄葬務取隨時即以其年
十月日葬於北邙山平樂之原禮也嗣子思恭孝思罔極
喪制過哀思封樹而緬懷恐東西而不志白楸爲槨奚遵
古葬之儀丹漆題封即表永年之記銘曰

泱泱大風其太公兮穆穆君子紹厥宗兮忠鯁察廉仕漢
宮兮才高位卑考永終兮哀哀孤子號蒼穹兮歸葬平陵
松柏桐兮

堂弟孜墓誌銘

君諱孜字無怠其先陳國人也六代祖太樂梁大同中爲

本郡大司馬生五代祖方慶屬梁亂始居新城郡武東山
生高祖湯爲郡主簿生曾祖通早通生皇祖辯少習儒
學然以豪英剛烈著聞是以名節爲州國所服皇祖生考
元爽保植先人茂德降生於君君幼孤天資雄植英秀獨
邁性嚴簡而尚倜儻之竒愛廉貞而不拘介獨之操始通
詩禮畧觀史傳即懷軌物之標希曠代之業故言不宿諾
行不苟從率身克己服道崇德閨門穆穆如也鄉黨恂恂
如也至乃雄以濟義勇以存仁貞以立事毅以守節獨斷
於心每若由己實爲時輩所高而莫敢與倫也是以鄉里

長幼望風而靡邦國賢豪聞名而悅服方謂拂羽喬木緬
升高雲而遭命大過棟撓而殞嗚呼天咎予乎時年三十
五是歲龍集癸巳有周天授二年秋七月卜兆不吉權殯
於真諦寺之北園始以今甲午歲獻春一月己酉朔二十
五日己酉定於石溪山之北岡陪考墳也君家世墳壠在
武東山昭穆崇封松柏列盛至君考遺令獨愛石溪之岡
故君先志祔葬於此嗚呼哀哉始君伯父海內之文人
也含純剛之德有高代之行每見君歎曰吾家代雖儒術
傳嗣然豪英雄秀濟濟不泯常懼後不光烈不象先風每

一見爾慰吾家道實謂君有逸羣之骨拔俗之標超山越
壑可以駿邁也豈其天絕喪茲良圖嗚呼其元命歟遭命
歟天不悅歟道固謬歟大圓蒼蒼大方茫茫賢聖同此爾
之何傷古人有言珠玉而瘞是暴骸於中原況吾家道尚
儉名訓未墜封樹之禮吾敢過焉是用錫爾瓦木之器塗
芻之靈堯舜之典忠孝之經昭示後代以安爾形銘曰

我祖之葳蕤兮邈於陳緬遙裔兮此江濱五代崇光兮至
夫君徽烈英曜兮始蓋蓋何意嚴霜兮降青春玉樹摧落
兮成黃塵南山無隙兮永幽淪悠悠昭代兮卜爾辰吾慟

欽定四庫全書
卷一百一十九
九
感傷兮號蒼旻問之著策兮立茲墳乃言千載兮衣冠來
臻黃頭之子白服人嗟爾黃頭兮勿傷神

周故內供奉學士懷州河內縣尉陳君石人銘

君諱該字彥表緜州顯武人也其先自潁川遷蜀矣曾祖
寄祖曾考永貴皆養高不仕君少好學能屬文上元元年
州貢進士對策高第釋褐授將仕郎其明年制勅天下文
儒司屬少卿楊守訥薦君應詞殫文律對策高第勅授茂
州石泉縣主簿開耀元年制舉太子舍人司議郎大府少
卿元知讓應制薦君於朝堂對策高第勅授隆州蒼溪縣

主簿垂拱四年又應制學綜古今對策高第勅授懷州河
內縣尉凡歷所 皆以清廉仁愛著聞有周革命天授三

年恩勅自河內追入閣供奉居末期不幸遇疾於神都積
善坊考終厥命年六十三歸葬於豆園山之陽原禮也嗚
呼哀哉古人有云飾顏夷之行不逢青雲之士而聲名磨
滅者有之矣嗚呼我陳君敦懿元默潔清溫良馴道執志
好學博古恂恂焉行高 卑不改其操學仁祿薄不怨於
天四舉有道三歷下位宴如也非諄諄淑人其誰能涅此
而不渝哉夫知令可謂君子矣好學可謂爲文矣丹書不

藏於勲府青史不昭於方冊於戲一絕故老之口孰知夫子之賢哉吾與君族人之服美其德尚矣昔子雲稱李元常璩敘令伯皆沒而不朽後代稱之斯非若人之徒歟吾豈默而無述其功曰

閭閻君子好斯文兮緝味輦章潛卿雲兮棲遲下位允升聞兮業署玉堂見吾君兮鸞階鴻漸期紫氛兮鍾鳴漏盡竟蘭焚兮儒行墨節將何云兮恭承遺言立石人兮金刻丹書記歲辰兮青龍甲午銘茲墳兮

館陶郭公姬薛氏墓誌銘

姬人姓薛氏本東明國王金氏之允也昔金王有愛子別
食於薛因爲姓焉世不與金氏爲姻其高曾皆金王貴臣
大人也父永冲有唐高宗時與金仁問歸國帝疇厥庸拜
左武衛大將軍姬人幼有玉色發於穠華若彩雲朝升微
月宵映也故家人美之少號仙子聞羸臺有孔雀鳳凰之
事瑶情悅之年十五大將軍薨遂翦髮出家將學金仙之
道而見寶手菩薩靜心六年青蓮不至乃謠曰化雲心兮
思淑真洞寂滅兮不見人瑶草芳兮思蓋蓋將柰何兮青
春遂返初服而歸我郭公郭公豪蕩而好奇者也雜佩以

迎之寶瑟以友之其相得如青鳥翡翠之婉孌矣華繁艷
歇樂極悲來以長壽二年太歲癸巳二月十七日遇暴疾
而卒於通泉縣之官舍嗚呼哀哉郭公恍然猶若未亡
寶珠以含之錦衾而舉之故國途遙言歸未迨留殯於縣
之惠普寺之南園不忘真也銘曰

高邱之白雲兮願一見之何期哀淑人之永逝感紺園之
春時願作青鳥長比翼魂魄歸來遊故國

我府君有周居士文林郎陳公墓誌銘

公諱元敬字某其先陳國人也五世祖太樂梁大同中爲

新城郡司馬生高祖方慶方慶好道得墨子五行祕書白
虎七變法遂隱於郡武東山生曾祖湯湯爲郡主簿湯生
祖通通早卒生皇考辯爲郡豪傑公河目海口鸞頷虎頭
性英雄而志尚元默羣書祕學無所不覽年弱冠早爲州
閭所服耆老童幼見之若大賓二十二鄉貢明經擢第拜
文林郎屬憂艱不仕潛道育德穆其清風邦人馴致如衆
鳥之從鳳也時有決訟不取州郡之命而信公之言四方
豪傑望風景附朝廷聞名或以君爲西南大豪不知深慈
恭懿敬讓以得也州將縣長時或陳議青龍癸未唐歷云

微公乃山棲絕穀放息人事飢雲母以怡其神居十八年
元圖天象無所不達嘗宴坐謂其嗣子子昂曰吾幽觀大
運賢聖生有萌芽時發乃茂不可以智力圖也氣同萬里
而合不同造膝而悖古之合者百無一焉嗚呼昔堯與舜
合舜與禹合天下得之四百餘年湯與伊尹合天下歸之
五百年文王與太公合天下順之四百年幽厲板蕩天紀
亂也賢聖不相逢老聃仲尼淪溺溷世不能自昌故有國
者享年不永彌四百餘年戰國如糜至於赤龍赤龍之興
四百年天紀復亂夷胡奔突賢聖淪亡至於今四百年矣

天意其將周復乎於戲吾老矣汝其志之太歲己亥享年七十有四七月七日己未隱化於私館孤子子昂愚昧鞠然在疚不知所從乃祇馴聖人卜宅之義是歲十月己酉遂開拭舊塋奉寧神於此山石佛谷之中岡也銘曰

賢者避地邈其往兮鳳兮鳳兮誰能象兮嗚呼我君懷寶不試孰知其深廣兮悠悠白雲自怡養兮大運不齊賢聖罔象兮南山四君不遭漢天子固亦商邱之遺壤兮

唐水衡監丞李府君墓誌銘

君諱某字某趙國人也乃昔嬴楚睽孤豪傑雲起廣武君

負霸王之畧爲成安之師實欲北興帝基南面稱創雄圖
未展大運陵積傳云有明德當代不顯其後必有昌者自
武至君二十四代矣公侯寶玉刻鼎銘鐘紛綸葳蕤代濟
不泯六代祖孝伯後魏北部尚書秦州都督宣城公魏之
名臣載在青史曾祖某後周陝州芮城縣令祖某屬隋運
板蕩君子道消遜言遁時不顯於仕拜儒林郎父某唐隆
州蒼溪縣丞襄州荆山縣尉有高才而無貴仕君鍾常山
之氣炳漳水之靈少尚名節躬行仁義始入太學以精理
見知未幾進士高第拜白水縣尉尋轉雲陽尉

資從黃綬之任雖吏道迫屑而遐情眇然秩滿調補洛陽
尉盤根利器尹守拭目遷懷州司法祿不徇榮位以行道
雅尚貞遜與衆趨少合泊上聞對策甲科授益州大都督
府錄事參軍滿歲擢授水衡監丞君所居清澹仁惠爲政
識真之士以公輔許之而好學篤道介如石焉故位不充
量搢紳高其才烈士伏其義竟不能驤首雲路長鳴天衢
知與不知咸皆共歎有餘恨也而君浩然冥順獨與化遊
方將幽採元微精覈通變天命不祐春秋若干遘疾終於
官某歲某月安厝於某所禮也嗚呼古所謂歿而不朽者

有矣夫遺言餘旨粲然可觀有子曰某痛門風之將泯懼
代業之罔傳乃刊石紀德銘旌之曰

常山之靈和氏之英世有明德鍾此令名黃黻不貴拱璧
爲輕仕以宏道祿匪徇榮高志厲雲思機入冥嗚呼天乎
殲我國楨

馮牙文

萬歲通天二年三月朔日清邊道大總管建安

安

以牲牢告軍牙之神蓋先王作兵以討有罪奸慝竊
夷不龔則必肆諸市朝大戮原野我皇周子育萬國

百蠻青雲干呂白環入貢久有年矣契丹凶羯敢亂天常
乃蜂聚丸山豕食遼塞宴安鳩毒作爲攬槍天厭其凶國
用致討皇帝命我肅將王誅今大軍已集吉辰協心頭
首建羽旆前列夷貊咸威將士聽誓方俟休爲人殄
災惟爾有神尚殲乃醜召太一會笛公翼白虎乘青龍星
流彗掃永清朔裔使兵不血刃戎夏來同以昭我天子之
德允乃神之功豈非正直聰明哉無縱大讎以作神羞急
急如律令

崇海文

萬歲通天二年月日清邊軍海運度支大使虞部郎中王
元珪敢以牲酒馳獻海王之神神之聽之我國家昭列象
胥惠養戎貊百蠻率職萬方攸同鮮卑猖狂忘道悖亂人
棄不保王師用征故有渡遼諸軍橫海之將天子命我羸
糧景從今旌甲雲屯樓船霧集且欲浮碣石凌方壺襲朔
裔即幽都而漲海無倪雲濤洄涵胡山遠島鴻洞天波惟
爾有神肅恭令典導鷁首騎鯨魚呵風伯遏天吳使蒼兕
不驚皇師允濟攘慝勦虐安人定災蒼蒼羣生非神何賴
無昏汨亂流以作神羞急急如律令

國殤文

并序

丁酉歲三月庚辰前將軍尚書王孝傑敗王師於榆關峽
口吾哀之故有此作

天未悔禍兮熾此山戎虐老昏幼兮人罹其窮帝用震怒
兮言翦其凶出金虎兮曜天鋒掃宇宙之甲馳燕薊之衝
何士馬之沸渭若雲海之洶洶荆吳少年韓魏勁卒戈矛
如林白羽若月且欲蹈烏丸之壘刈赤山之旗聯青邱之
繳封黃龍之屍凶胡猖獗姦險是憑蛇伏泥滓蟻鬪邱陵
哀我將之佗勇兮無算畧以是膺陷天井之死地屬雲騎

以相騰短兵既接長戟亦合星流颯馳樹離

一作雜

山沓智

無所施其巧勇不能制其怯頓金鼓之雄威淪輿尸之敗
業嗚呼哀哉矢石既盡白日積主將已死士卒哀徒手奮
呼誰救哉含憤抗怒志未迴殺氣凝兮蒼雲暮虎豹慄兮
殤魂懼殤魂懼兮可柰何恨非其死兮棄山阿血流骨積
殪荒楚思歸道遠不得語降不戮兮北不誅歿不賞兮功
不圖豈力士之未徇誠師律之見孤重曰壯士雖死精魂
用凶醜爾讎不可縱我聞強死能厲災古有結草抗杜回
苟前失之未遠儻冥讎之在哉嗚呼魂兮念歸來

弔塞上翁文

居延海南四百餘里有古城焉土人云是塞上翁城今爲
戍其基扃趾跡蓋數千年也丙戌歲兮我征匈奴恭聞北
叟託國此都子尚于叟日月遐邁及今來思實獲心契欣
問于叟何德其愚僻居幽漠浩與代殊忘情逸馬胡寧而
知福謝於鄰人何達而不淑丁男旣存君子知復人以爲
極也伊懷茲土旣板且築扃禁天崇墉隍雲矗今則荒穢
代亦不毓其故何哉賢叟之德登叟之堂天道何遠而茲
理茫茫人代自故兮邱壠崩荒魂魄何獨不歸故鄉叟乎

叟乎我心之傷

祭孫府君文

維年月日謹以牲酒之奠致祭故延俊府折衝燕然軍孫
府君之靈惟君少馳英武早效成功聲雄塞上名重關中
愴稜威於敵國存大節於家風既揮金而退老方餌藥於
仙童何昊天之不弔隨大化以長終白馬故人青鳥送往
素車永訣黃墟誰賞醕酒盈觴魂兮尚饗

為建安王祭苗君文

維某年月日朔方道大總管建安郡王攸宜以酒饌之奠

祭故 將軍 玉鈐衛中候左三軍營主苗君之靈君
忠勇 麾鳳濟烏丸作逆赤羽從軍方且任君先鋒
仍馳後勁刈鮮卑之壘摧冒頓之鋒 獻俘歸受國賞
何圖大勛未立隨命先凋永懷嗟情用兼慟故命酒奠
告爾殤魂君其有靈歆茲薄酌嗚呼尚饗

祭黃州高府君文

維年月日朔 女夫某等謹以清酌庶羞之奠敢昭告於
故黃州高府君之靈惟府君含德元亨保和光大才堪濟
代而運屬承平器允登臺而命鍾流落有瑚璉之寶無廊

廟之資豈圖大位不躋幽靈永昧尊儀潛翳三十餘年元
殯既開黃腸已古今青烏改卜丹旒來歸窀穸即幽明
永訣某等忝承嘉惠奉事門闌興言追慕實增感咽竊惟
精意以享黍稷非馨敢陳薄酌以獻明靈嗚呼哀哉伏惟
尚饗

祭外姑宇文夫人文

維年月日朔女夫某謹以清酌嘉蔬之奠奉祭於故高氏
河南宇文夫人之靈恭聞夫人有清穆之德皓潔之行淳
懿肅恭內外仰則而遺風素範蕙敷蘭滋用能惠心光孚

氤氳沼沚崇嚴壺訓芬郁母儀中饋柔嘉娣姒有則豈圖
慈顏幽翳於今十年毫木已拱尊靈廓然今吉辰協應幽
殯方闕容象如在器質已灰改卜禮典宅兆方遷山園旣
列祖載行焉哀子號咷女也蟬媛終天永訣泣血流漣某
謬承嘉惠預叨姻戚生事早睽送終空積竊聞精意以享
黍稷言收陳薄酌以獻明靈伏惟夫人明神尚饗

祭陳子昂君文

維年月日左抄陳子昂謹以少牢清酌之奠致祭故人
臨海韋君之靈惟君孝友自天忠義由己有經世之畧懷

軌物之量甘心苦節風雨不改常欲窮則獨善其身達則
兼濟天下感激遐詠邈然青雲何期良策未從大運奄忽
嗚呼哀哉昔君夢奠之時值余寘在叢棘獄戶咫尺邈若
山河話言空存白馬不弔迨天網既開而宿草成列言笑
無由夢寐不接永言感慟何時可忘今旌旒言歸關河方
遠興言永訣今古長辭鄧攸無子天道何知洛陽舊陌拱
木猶存京兆新阡私已植已矣韋生云何及矣大運之
往賢聖同塵嗚呼上哉伏維尚饗

祭率府孫錄事文

維年月日朔某等謹以云云古人歎息者恨有志不遂如
吾子良圖方興青雲自致何天道之微昧而仁德之攸孤
忽中年而顛沛從天運而長徂惟君仁孝自天忠義由己
誠不謝於昔人實有高於烈士然而人知信而必果有不
識於中庸君不慙於貞純乃洗心於名理元常旣沒墨妙
不傳君之逸翰曠代同仙豈圖此妙未極中道而息懷衆
寶而未攄永幽泉而掩魄嗚呼哀哉平生知己疇昔周旋
我之數子君之百年相視而笑宛然昨日交臂而悲今焉
已失人代如此天道固然所恨君者枉天當年嗣子孤藐

欽定全唐文卷二百十七目錄

崔融

一

瓦松賦

并序

代宰相上尊號表

代百官請上尊號第二表

進洛圖頌表

爲朝集使于思言等請封中岳表

賀封禪表

代皇太子請停幸東都表

代皇太子上食表

代皇太子請復膳表

代皇太子請起居表

代皇太子請修書表

爲皇太子賀甘露表

代皇太子賀白龍見表

月林類

卷一

豈編

燈室全書文卷二百一十七目錄

欽定全唐文卷二百十七

崔融

融字安成齊州全節人擢八科高第累補宮門丞兼直崇
文館學士累拜國子司業神龍二年預修武后實錄成封
清河縣子因撰哀冊文用思精苦絕筆而卒年五十
匹追贈衛州刺史諡曰文

瓦松賦 并序

崇文館瓦松者產於屋雷之上千株萬莖開花吐葉高不
及尺下纔如寸不載於仙經靡題於藥錄謂之爲木也訪

山客而未詳謂之爲草也驗農皇而罕記豈不以在人無
用在物無成乎俗以其形似松生必依瓦故曰瓦松楊炯
謂余曰此中草木咸可爲賦其辭曰

賓館兮沈沈明月高兮靈海深試一望兮上棟下宇開陽
闔陰彼美嘉族依於夏屋煌煌特秀狀金芝兮產雷厯厯
空懸若星榆而種天芩蓐丰茸青冥芊眠葩條郁毓根柢
連拳閒青苔而裊露陵碧瓦而含煙春風搖兮鬱起冬雪
糝兮蒼然詎充採掇罕任雕鐫桐君莫賞梓匠難甄用匪
適於時要必濫聞於俗傳慙魏宮之烏韭而漢官之紅蓮

觀其衆開榮列虛心獨潔高寧我慕無木禾之五尋卑以
自安類石蒲之九節進不必媚居不求利芳不爲人生不
因地其質也菲無忝於天然其陰也薄纔足以自庇望之
常見其表尋之罔得其祕肅穆承華堂皇不賒緹懸麥穗
戶刻菱花竹蒼筤而衆色樹連理而相加芙蓉發池兮照
爛日及懸雷兮芬葩彼懷寶以遇賞此不材而見嗟雖有
慕於階闥亦無混於泥沙已矣哉不學懸蘿附拍直蓬倚
麻固將含美惡以同貫齊是非於一家亂曰少陽之地兮
於何不春博望之苑兮莫匪正人纖根弱植兮生君之館

荷施霑恩兮爲人所翫物不謝生不知其榮惟願聖皇千萬壽但知傾葉向時明

代宰相上尊號表

臣某言臣聞形器以陳萬物有名之謂母尊卑既位兩儀合德之謂皇非母則不能慈愛域中非皇則不能導化天下歷考前政詳窺舊牒金匱玉版帝王之迹易推鐵軸銅渾天地之情可驗不知誰子氣母握其靈機厥初生人維皇啟其光宅然則儀坤配永至聖者所以降天符建極施尊至神者所以塞人望禮存知貴事叶強爲天命則休應

畢臻人心則休應允集不可得而避也不可得而違也其
唯聖人乎其唯神用乎伏見某日制書以天授聖圖羣臣
上尊號曰聖母神皇昭備典冊肅應景命大赦天下賜酺
五日含生之類稟識之儔雍雍如欣欣如洎鳥獸率舞與
草樹咸樂中謝臣聞以凡測聖者理絕於名言以管窺天
者事迷於遠近雖帝其何力自聞田父之歌而事有不談
終獲樵夫之笑亦安敢梗概而無述哉粵若稽古聖母神
皇陰陽和而獻德生日月合而沖靈降其在家也御娥氏
之瑤臺其正位也綰漢皇之玉璽維皇高祖肇創王業惟

太宗克成帝功惟高宗發揮二聖之耿光惟陛下對越二
后之明命顯承遺託敬守前基宏濟艱難躬親政事情深
社稷義切園陵其至公有如此者七月而葬三年免喪乃
顧明辟載懷高蹈陛下致還君之美德盛於謙尊皇帝竭
爲子之孝誠深於覆育八紘無外六合一家其沖讓有如
此者蒐八代之禮講三王之樂定齊斬之數革靡曼之音
草章程垂勸誡除指斥之坐議故誤之條百官以理萬人
以察其制作有如此者慎終追遠因心罔極崇七廟廣二
雍仁不遺於一物教必行於百姓有虞舜大孝之德焉訓

甲兵誓將帥南北清宴東西緝穆有軒皇戰伐之功焉定
都邑殊徽號居三統之政處六合之中有周成隆平之業
焉錦繡羅縠雕文刻鏤人君之美色也而陛下澣濯之服
大帛之衣珍羞圓方 味重累人君之甘旨也而陛下藜
藿之羹粢糲之飯黃白 白玉青珠紫貝人君之驕也而陛
下所寶惟賢所重惟穀上林禁苑層臺累榭人君之麗也
而陛下宮垣不葺廊宇莫修置拾遺補闕之官則前疑後
承仰天俯地孰云尚也創通賢招諫之匭則聽聲之鼓告
善之旌疇以懿茲夫然後不登而高不行而遠天降以瑞

地升以符日月光風雨潤慶雲出神泉湧鳳凰翔於庭麒
麟臻於囿雲集霧散日至月書固不可得而言也陛下猶
固守冲挹深惟惕厲以元默爲神澹泊爲德回聖慮運全
誥米衢室之舊儀酌明臺之故事因人之欲不日而成於
是靈命孔彰元心總集山開祕篆洛出祥圖每纓冕同觀
軒墀共謁則有曦車五色對玉匣而如暹雲蓋三層伴瓊
緘而不去豈非顯見神物覺寤黎蒸者歟可以昭報昊穹
可以抑揚宗社明至德表至功陰陽不測之謂神應變不
窮之謂聖洋洋乎發育萬物蕩蕩乎人無能名尊號之來

豈徒然而已也聖母神皇乃不得已而從之命有司膺大
禮秩羣望懷百神配諸侯於四瀆視上公於五鎮百姓有
皐思與天下滌之一人有慶思與天下覃之垂動鑰之深
思降合錢之普澤凡百在宥不知手之舞之足之蹈之者
也豈使女媧神化仍參泰古之皇太姒徽音獨擅隆周之
母而已微臣早霑揚歷亟奉恩榮慙擁腫之曲材荷生成
之大德山濤者渾金之器魏國擢之以尚書伊尹者飾玉
之姿殷朝待之於右相在臣駑暗遠謝賢明徼逢振拭擢
登左右陛下不以臣不肖復使臣待罪元戎顧無平虜之

能未荅破羌之寄恭聞瑞典載沐鴻私幸屬皇羲之代欣
承帝魁之美冕旒端拱既不獲接景前行玉帛來朝又不
獲趨風後位橫行萬里限中國以長城悚踴一隅望東朝
於西域不任悅豫切以之至謹遣某官奉表稱

代百官請上尊號第二表

臣等言一昨仰稽舊章虔上尊號至誠猶鬱切旨未回孤
遐邇之心闕神祇之望羣臣百辟相顧罔然中謝臣聞古
先王者祇奉天命遭時爲法因事制宜不必相沿各有所
立化而裁之存乎變推而行之存乎通故庖犧是生創天

下之法則周成既作改人閒之制度況煌煌大寶乎穆也
興至道已邁於胥庭鴻名尚襲於漢代臣子之地悚迫不
安又謝伏惟陛下紹開聖圖光復不緒繼文之體行湯之
政撫綏兆庶清蕩二兇舊物不失能收夏衆老吏垂涕復
見漢官補三皇之闕文緝五帝之漏目享太廟祀明堂禁
網疎濶凡事簡易道德海浸符瑞山承百蠻向風萬人樂
業固以萌抵開闢彈壓往初自可去故而取新何必同條
而共貫循季末之常躅忽殊尤之盛儀臣等愚戆不勝
致懇又謝臣聞天爲上帝九名所以示崇高佛爲法王十

號所以稱具足陛下安得徇小節遺至公推而不居猶以
爲薄臣等敢昧死謹再拜重上尊號曰應天皇帝伏乞順
萬國之歡心荅三靈之睠命不違誠請昭備典冊使百代
垂景光而作程飛英聲而不朽豈不美歟豈不盛歟臣等
幸逢興運夙參朝列累獻非常之祈願奉維新之慶所冀
日回三舍天移二山愚有不奪期有必遂無任悃款屏營
之至謹詣朝堂奉表固請以聞

進洛圖頌表

臣某言奉某年月日勅令臣撰洛圖頌伏以陛下聖烈豐

懿應期首出珍符炳鑠曠代罕聞雖臯繇歌虞伯禹申歎
共或生於今日尚不足以談天況臣涉學蓋淺揆才多陋
安可潤色皇化對揚神休竊讀古文幽尋舊式言大道者
莫先於典誥序以之生焉美盛德者莫近於詩什頌以之
成焉其辭婉而微其事簡而要今臣斟酌前訓擬議鴻猷
述洛圖頌一篇并序謹詣宣義門奉進誠未能探索元奧
憲章經書庶幾竭肝膽効塵露增日月之末光偕天地而
不朽斯亦微臣之願足矣臣拜手稽首冒顏以聞死罪死

罪

爲朝集使于思言等請封中岳表

臣某言臣聞易有太極是生兩儀有父子焉有君臣焉道
莫尊於三皇皇合符於奕葉德莫高於五帝帝展事於云
亭禮莫盛於三王報功於岱畎政莫隆於兩漢紀號於仙
閭皆所以省方觀人增天益地刻玉篆印金泥激清流於
滲漉翔仁風而萌動然則業隆不封禪何以荅三靈道備
不巡遊何以會萬國爲人上者可不敬哉中謝伏惟聖母
神皇陛下寶命絢縕元期肸蠶包混元而建極宅造化而
開階剖靈符於天合至德於地渥澤浸潤萬物恩光明懸

四海不言而含氣風從無爲而流形日用允所謂榮鏡絕
代彈壓振古者焉臣聞古之聖王受命者然後得封禪又
云功成道洽符出乃封又云致太平必封禪今陛下獲瑞
銘於廣武得寶圖於温洛星連月合雲起風搖上以擁神
休下以塞天望崇徽號定都邑文質再而復正朔三而改
義在得天乃立天統非受命者孰能臻茲因時創宜以順
制逆建三廟崇五塋廣太學以教胄子開明堂而祀上帝
彼東夷西戎南蠻北狄殊方絕界窮幽極遠蠢然莫敢不
來享莫敢不來王非功成者孰能臻茲三階平萬方晏巖

廊無事囹圄云空獄訟清而王風淳禮樂和而人氣樂衢
路有鴈行之序邑里得鷄居之時五尺童兒羞論霸道八
十父老不知帝力非道洽者孰能臻茲乾符總集不召而
自至坤瑞昭昇應圖而合謀慶雲出神池湧毛宗擾羽族

馴樹連理而麥兩岐闕字黃黍而闕字元稹匪朝伊夕以

時繼年非符出者孰能臻茲命既受於天矣功既成於人
矣道已洽於古矣符已出於今矣若此者非太平之效歟
可以升中名山可以肆類上帝嵩高維嶽峻極於天風雷
所起設險於畿甸霜露所均作鎮於邦國雖復千八百處

未嘗遊玉人之臺七十四家不能幸仙人之洞區區漢武
止聽二呼汲汲晉炎但誼羣議臣等竊以爲祕籙有云中
岳之神姓武天意若曰神皇其封中岳乎藏纖緯以須時
蓄符祥而待聖顯見神跡覺寤黎蒸天祚岳姓必將封祀
封祀神岳者非陛下而誰由是王公侯伯日夕登封之奏
禮官博士歲時符命之書鴻儒碩學思獻儀於野外川后
山祇願前驅於闕下天人之望久矣陛下何得而辭哉伏
乞深惟至公仰祇靈睭傍稽瑞命俯順眚歌龍駕帝服背
河洛而上泝星陳天行指輶嵩而東邁石芝生而五色可

以爲盛貝樹長而三花可以爲籍埋玉報地燔柴告天載
巍巍扇翼翼上以荅昊穹之儲祉下以副率土之歡心永
保鴻名長爲稱首盛矣美矣猗歟偉歟臣等忝職外臺受
委方玉宣太平之風化聽古老之謳謠望屬車而未來思
叫閭而至極庶千年一會陛下垂不讓之恩使五載四朝
羣臣有慶成之地孰不幸甚不勝悃款之至謹詣朝堂奉
表誠請以聞

賀封禪表

臣某等言伏奉某日詔書有某年月日有事於中嶽恭聞

大禮不勝欣抃臣聞巡狩者何觀人風而叶時月封禪者
何增天高而益地厚然則聖帝臨下必有玉帛萬國之事
焉明王在上必有柴望百神之禮焉伏惟天皇御寶位膺
璿厯宅顥氣以開元鼓神風以成化宗文祖武之業天祚
彌光制禮作樂之功皇猷載遠四方無事不聞表吠於國
中六合同歸唯觀鴈行於道路恩周動植德洞滄冥東魚
西鳥不召而自至元秬黃蕤應圖而合牒嵩維中嶽洛陽
下都三臺崛起五衢相映風雨交會實惟天地之中威靈
肅然固是神明所伏可以光昭累聖可以謁款上元展時

邁於仙宮叶歲巡於福地象天之道備法駕而非遙望君
之來因名山而有日臣等飲和昌運冒寵崇班用雖微於
犬馬情諒兼於鳥獸三呼在聽欣承漢后之儀羣議不行
竊鄙晉皇之德限以官守不獲稱賀軒墀無任悚踴之至
謹附某奉表申賀以聞

代皇太子請停幸東都表

臣某言臣聞乘雲駕羽者非以逸樂其身觀風設教者將
以宏濟於物故後子胥怨幾望湯來吾王不遊嘗思禹會
伏惟天皇察帝道敷皇極一日二日智周於萬幾先天後

天化成於四序雖鴻名已建銘日觀而知尊而膏澤未流
御雲臺而不懌市朝之邑天地所中四方樞會百物阜殷
爰降恩旨行幸東都然以星見蒼龍日纏朱鳥清風用事
庶彙且繁桑翳葉而眠蠶麥飛芒而雒雉詳求易緯是君
無發衆之辰博訪禮經當人急勸農之月固未可陳詩展
義拜洛觀河況序屬亢陽時方避暑露臺風館尚多薰灼
之勞帳殿帷宮將有鬱蒸之弊天皇昔常服餌近更躬親
睿情勤苦天儀憔悴若何以萬乘之重四海之尊暴露而
行旰日而食者也加以官僚扈從或少資糧程期迫促未

遑周辦必若事應巡狩務從寬恤猶望白露涼風然後清
畿洒道下不違於人欲上無隔於天心可舉而行庶幾於
此臣又聞關中屬縣畿內旁州百姓驅馳頗多飢餒天皇
仁深覆育並令賑贍求轉徙者任其逐糧欲寧居者加其
廩食家懷再造人得安全乞至秋來不煩聖慮特訖少留
元鑒俯察丹誠迴太陽之末光納蒙泉之餘瀝臣三朝問
寢常候色於宸慈五日詣臺每承言於聖牋輒陳冗職輕
進芻詞蹈地知驚窺天自失無任私懇之至謹遣某官奉

表以聞

代皇太子上食表

臣某言伏見臣妹太平公主妾李令月嘉辰降嬪公族詩人之作下嫁於諸侯易象之興中行於歸妹又臣銅樓再惕常荷蔭於中慈金屋相驚忽承恩於內輔周官典瑞旁稽聘女之儀晉朝加璽兼採納妃之制聖懷感慰皇澤霑濡願垂扶木之光俯遂甘芹之請謹上禮食若干舉如列尊師四學雖有謝於溫文問豎三朝竊無違於視膳謹遣某奉表以聞

代皇太子請復膳表

臣某言臣聞善持國者舒慘必繫於天時德稱皇者動靜莫違於物理故百姓不足一人所以載懷四海爲家萬方田其在慮伏惟天皇觀風設教拜洛遊河光華前乎日月法象齊乎天地頃以歲儲微耗年穀未登睿旨憂勞宸情戒惕菲飲食而卑宮室居常夏禹之期減廚膳而徹鍾懸重取黃軒之事由是神靈肸鬻景氣氤氳雪千里而朝飛雨四溟而夜下兩河之甸瑞麥盈疇三川之境嘉苗被隰天意人事其在茲乎可以隨道抑揚可以與時通變周王之本支百代每進鱣庖殷帝之亢旱七年猶資鶴鼎昔賢

具稱其美往聖不議其非唯此小心將乖大德臣又聞下
之奉上猶枝附根君以人作基人以君爲命天皇恩深子
育念切家安損已勵精無違早晏停滋罷味已隔歲時聖
躬有勞瘁之容羣類動兢惶之責伏乞俯從人欲仰順靈
心具珍物以登羞隨太陽而復膳萑莆知送涼之地芝英
識駐壽之期豈使眇眇燧皇獨流名於騰炙悠悠黃帝空
紀稱於庖犧而已哉臣寄忝元良任當監守春冬胄序學
書禮而空勤朝夕寢門視寒溫而未節無任悃款之至謹
遣某官奉表陳請以聞

代皇太子請起居表

臣某言今月某日起居舍人某至伏承聖躬頃稍不安今已痊復手舞足蹈慶躍兼深臣聞孝於事親爲子之方已極恭於奉上爲臣之道則先臣自違侍軒墀已淹時序周儲故事一日三至於寢門晉室舊儀一月五朝於左閣今之望古臣獨何人日者瀝膽陳祈焦心覲謁伏惟天皇以關河鎮重監守務殷睿旨冲邈未垂矜亮今旣十月築塲三農事隙特乞暫息恩召俯念丹誠遂以起居假以時月得晨拜旒宸遂臣私情則暮辭闕庭在臣無恨不勝戀慕

之至謹遣某官奉表陳請以聞

代皇太子請修書表

臣聞昔者明王學以化人成俗古之君子文以緯地經天
雖有閩風之高嶽弗登弗知其峻也雖有浴日之巨溟弗
涉弗知其廣也伏惟天皇域中居大天下化成百官以理
萬人以察日行中道而淑清歲起攝提而位序光薰萬物
豈直芝珥萸澤加四海寧惟壽麻孤竹地成形而天成
象其道彌光河出圖而洛出書其徵可驗環林璧沼金門
石室墳典積於邱山筆墨盈於泉海聖朝多上自可包二

代之文臣顧不才何足奉三王之教皇慈渥洽帝弊優隆
擢公望爲太師徵子房爲少傅所冀習與智長化與心成
嘗辛苦於歲餘終未階於日就臣聞學者殖也問以辨之
積必有成勤則不匱以周公之上聖日讀百篇以孔父之
多能韋編三絕臣雖不敏竊所庶幾然以列代遺章先王
舊典康成興業纔覽卷於八千士安覃思願加年於累百
豈不以學而時習博則難精者乎今欲塞其蕭稂撮其樞
要可以出忠入孝可以益國利人極賢聖之大猷盡今昔
之能事商摧百氏勒成一家庶有代於箴規長不違於左

右又近代書鈔實繁部帙至如華林園徧畧修文殿御覽
壽光書苑長洲玉鏡及國家以來新撰藝文類聚文思博
要等竝包括宏遠卒難詳悉亦望錯綜羣書刪成一部藝
官賓館亦既天皇立之矣端士正人亦既天皇致之矣伏
乞俯從微願特降鴻私許臣撰緝遂臣誠請當宮學士如
少仍望通取京官謹當開桂樹之山鑿芙蓉之水引甘泉
之詞賦總望園之賓客下芸閣而長謠臨梓廚而高會一
遊蘭芷佇變蓬麻區區之誠敢希矜允豈使肅成門內惟
傳魏國之名崇政殿中獨紀晉朝之事而已無任誠懇之

至謹遣某官某奉表陳請以聞

爲皇太子賀甘露表

臣某言某至伏承某月日甘露降於金闕亭肅奉休徵不
勝抃躍中賀臣聞五材並用天地合而凝津四序遞來陰
陽和而灑潤望之成雪若墜崑崙之山嘗之則甘似降軒
轅之國伏惟天皇御元氣平太階正圭表於都畿考銅櫨
於宮室薦河圖而升洛範日載祥編過竹苑而憩芝臺宵
零瑞液爾其塗塗被物滴滴流膏承以玉杯凌漢宮而擅
美獻之瓊爵掩魏殿而稱珍可以致靈仙之寄可以延帝

王之壽孝經援神契未足敘其和平春秋運斗樞不能議
其清濁臣濫膺國本多慙人望仰宸遊而不及倍戀恒情
聞帝澤而先驚慶深常位無任喜抃之至謹遣某官某奉
表陳賀以聞辭桂風交雲集趨瞻如之姑專恭可軒臣對
帝其王代皇太子賀白龍見表
臣某言伏見某官等奏稱某月日玉山宮西南王谷上有
白龍見於天地和平聖人所以乘九五帝王符命神物
所以會黎蒸粵若皇家既高居而遠望於惟史閣亦舒圖
而負璽服星辰之冕袞彩奪華蟲建日月之旂常文騰翠

鳳出東方而據水天下知春臨北荒而銜火容光是燭風
雨順陰陽和五穀登百寶用豈孫氏所謂出入應命上下
以時無道則處有聖則見矣大火中星長風季月詳乎戴
禮則帝嚳乘龍之時校以河圖是黃軒夢龍之晦裁金別
宇挺玉名區宮模抗殿之基山接陵陽之路翩翩素翼矯
矯白鱗異彩霜封風姿雪凜徵鄴城之故事若下神祠探
吳郡之遺塵疑過象穴臣聞感通之效人事可尋嘉瑞之
來天心易察地稱王谷先題王者之名壤號玉山實兆南
山之固天皇以帝出乎震自天鍾有德之期天后以致養

乎坤承天得西南之位披圖按謀影響合符漢朝之出在
上封特其小者晉國之來從京兆曾何足云唯我后能得
之固前王所不逮方使見龍于甸一人繫年月之書豈直
囿龍于池百姓爲朝夕之觀而已臣業謝温文觀聞絕瑞
雖四靈爲畜未足以舞之蹈之而萬國歡心敢忘於美矣
盛矣不勝鳧藻之至

盛矣不期其終之盛以何謂是重其終也之時也
學四重也審未足以善之說之而真國辯以類以美矣
國論者以言其為陳久之博而巳且業據此大歸國也
之國前正極不盡夫與泉歸不似一人學乎凡之書豈直
上惟其本善善國之來於京來曾利又云郵廷自論
乎射承天縣西南之山其國對籍漫聯合林莫障之出亦

欽定全唐文卷二百十八目錄

崔融 二

代皇太子賀嘉麥表

爲皇太子賀瑞木表

代皇太子賀芝草表

代皇太子賀石龜負圖表

代皇太子賀天后芝草表

代皇太子請放罪囚表

代皇太子請家令寺地給貧人表

代皇太子請給庶人衣服表

爲百官賀雨請復膳表

爲西京百官賀老君見表

賀赦表

爲涇州李刺史賀慶雲見表

爲百官賀斷獄甘露降表

爲許智仁奏懷州黃河清表

賀秦州河清表

爲涇州李使君賀慶山表

爲百官賀千葉瑞蓮表

爲魏州成使君賀白狼表

代家奉御賀明堂成表

代百官賀明堂成上禮表

爲韋右相賀平賊表

爲草谷昧賢平湖表

外百官賢國堂太子野表

升文憲論賢明堂表

蘇陵代敬野表賢白野表

無言表

欽定全唐文卷二百十八

崔融

二

代皇太子賀嘉麥表

臣某言伏見雍州司馬徐慶稱所部有嘉麥一莖六穗纖
芒濯露疑因黑壤之宜香稼搖風若吐黃金之色豈非靈
心昭應睿德感通降之自天何必來麩之詠嘗之于廟先
符孟夏之時凡在含生相趨動色臣謬當居守肅奉宗祧
一穗兩岐徒說張君之詠十畝千石方輕范氏之書仰天
意而增歡顧人心而載躍無任喜抃之至謹附起居使某

官某奉表陳賀以聞

爲皇太子賀瑞木表

臣某言臣聞惟德動天無遠而不格惟神感物有來而必
應伏惟天皇提乾象運斗柄戴黃屋而臨太階正紫宮而
開列室伏見某官奏稱石門元谷內玉山宮側秋水漂木
三萬餘根林衡悚迫匠人驚視仙桂來於月中靈查下於
天上昔開陽門之肇建飛柱潛移太極殿之初營浮梁遠
至論其壯觀猶尺燼之窺尋木喻以皇家若牛涔之望鼇
海方見凌雲之構匪日而成負黼屨而朝百神垂衣裳而

會萬國盛矣美矣輪焉奐焉臣德謝元良濫膺儲貳寢門
來謁常取候於雞鳴大厦既成竊自歡於雀賀不任鳧藻
之至謹遣某官某奉表稱賀

代皇太子賀芝草表

臣某言伏承某月日芝草生於乾元殿瑞命天來符祥日
至煌煌三秀分芟井而攢柯煜煜九光閒梅梁而吐葉晉
都宮閣何必靈芝之臺洛邑山川居然密芝之地中賀伏
惟天皇天臨海內帝有域中兼漢制而宅兩京用堯心而
加百姓神精下降洽至道於邱陵靈液旁霑被深仁於草

木觀其如蓋如閣如日如星得五方之氣象合四時之景色
仙人在上則車馬疑飛神龍居下則風雲不去謂蓬瀛
之海到一作列即崑閬之山開魏皇之雙幹莫儔漢帝之九
莖爲劣可以薦郊廟可以觴公卿臣謬踐儲闈祗膺守國
不獲親承左右目覽休徵雖玉脰延齡在神仙而可致而
刀圭入膳視朝夕而猶賒是用心馳仁壽之前慶集肅成
之下無任抃躍之至謹遣某官某奉表稱賀

代皇太子賀石龜負圖表

臣某言臣聞虞舜五帝也夏禹三王也應歷數則星昴告

期度水土則河精授象故知至誠上感無往而不通神道
曲成有來而先見伏惟天皇運斗極平太階漏德澤於海
河散皇明於日月煙雲郁郁鳥獸蹒蹒百寶用而銀甕滿
五穀豐而丹甌出化之遠及陰陽不測之謂神德之廣被
天地無名之曰道嵩高維嶽洛陽下都此焉符理之所古
則仙靈之地伏見洛州牧相王所奏嵩山下頂封禪壇側
掘得石龜負圖篆文一百六十字者臣亟聞其言矣昔者
黃轅東省河獻龍書蒼頡南巡洛呈龜字古猶今也其若
茲乎夫惟氣挾風霜文含星象玉經山上匪藉旁求銀丹

地中居然暗發頌國祚之長久孕育於萬八千年歌卜筮
之叶從牢籠於六十四卦況復高臨泰室近控洛壇佇降
王者之封常有君來之望由是神工不召若鐫金鏤之名
天意潛彰似刻銀繩之篆豈與玉龜在泰山之上莫覩其
祥石龜出吳江之右空傳其跡可同年而語哉臣才謝元
良忝當儲貳三靈睠命預聞東序之圖萬國歡心願奉南
山之壽無任悅豫之至謹遣某官奉表稱慶以聞臣某誠
歡誠喜云云

代皇太子賀天后芝草表

臣某言臣聞德合天地仁之所及也深道貫神明孝之所
寘也極故有元功肸鬻靈命氤氲瑶光發辰象之精金色
吐陰陽之秀伏惟天后化含萬物訓正六宮天下被塗山
之音海內仰河洲之教今月某日使某至伏承芝草生於
東都太原寺舍利塔屋下芝英繞殿慙疑王母之臺芝草
成田聊比宓妃之館其蒂紫其莖白露濡雨露之津搖動
風雲之氣斜臨網樹分貝葉而駢開近對輪池接蓮花而
倒下豈與夫生於石室空傳好道之言產自珠宮徒事不
經之說可同年而語哉臣濫承天祚多慙國本始欽元澗

之祥更喜黃雲之地頌聲無輟在郊廟而方傳御膳有憑
俯神仙而何遠臣子之慶倍百恒情無任欣抃之至

代皇太子請放罪囚表

臣某言臣聞堯舜推心諒因於百姓禹湯責己必在於庶
人頃以炎亢逾時資儲頗乏天皇情勤戒慎務切憂勞發
倉廩以調窮罷珍羞而酌損紅粟未阜愈兢御朽之懷白
粲有形特軫推溝之念爰降恩旨俯加寬恤凡在生靈不
勝鼓舞然以和風所被蘭艾同榮膏雨所流公私並潤徒
刑之輩已沐於深慈杖罪之流未霑於厚渥且五刑之內

答坐爲輕兩造之閒原情可恕時當慘勁命甚漂浮因茲
決罰或從顛躓伏乞迎春布澤應天道而無違任地成功
順人時而不奪使三農有望萬物知歸臣濫守儲闈叨陪
帝幄乾坤覆載荷至德而徒深日月昭明在末光而何助
無任區區之至

代皇太子請家令寺地給貧人表

臣某言臣聞法天之道義屬於有餘象地之宜理存於益
寡頃以咸城近縣鄜市傍州頗積風霜或侵苗稼天皇兩
儀合德百姓爲心發倉廩以賑貧人垂雨露以滋微物俗

荷財成之施家懷亭毒之恩臣濫奉宗祧親承覆載歲時
衣物咸憑府藏之餘朝夕膳羞必佇饗餼之辦過此以往
臣亦何求但知問豎寢門尊師胄序魏兩文儒之盛竊所
係心漢儲湯沐之資未嘗留意但關輔之地萌庶孔殷丁
壯受田罕能充足所以水旱之歲家室未豐正末端本思
有裨助臣家令寺有地九百餘頃特請迴授關中貧下等
邑雖地非安邑寧期千戶之封而價等露臺虛費十家之
產伏乞皇恩遠及聖澤旁流矜臣愚効遂臣誠請謹遣某
官某奉表以聞

代皇太子請給庶人衣服表

臣某言臣聞心有所至諒在於聞天事或可矜必先於叫
帝庶人不道徒竄巴州臣以兄弟之情有懷傷憫昨者臨
發之日輒遣使看見其緣身衣服微多故弊男女下從亦
稍單薄有至於是雖自取之在於臣心能無憤愴天皇衣
被天下子育蒼生特乞流此聖恩霈然垂許其庶人男女
下從等每年所司春冬兩季聽給時服則浸潤之澤曲霑
於螻蟻生長之仁不遺於蕭艾無任私懇之至謹遣某官
奉表陳請以聞

爲百官賀雨請復膳表

臣某等文武官若干人言臣等聞太平之代天地合而流
津至德之時陰陽和而布澤所以三農滋殖百姓阜安伏
惟天冊金輪聖神皇帝陛下寶命綢緼元期肸蠁包混元
而建極宅造化而開階德教布濩仁聲洋溢增高益厚已
修中岳之儀順時班令更緝正陽之禮近以少愆甘澍親
發至誠懷宋景之一言採殷湯之六事德音纔降靈心允
協捧瑤緘而風起迎寶字而星流雲不崇朝復三千之藥
草雨必以夜通百億之江河遍高下而同霑在公私而並

及陳留雨穀譬此非多櫟陽兩金方斯未重邦國延有年
之慶黎元罷望歲之憂臣等中賀伏願陛下凝神保和頤
情養壽復鱸庖之舊膳進鶴鼎之常羞使芝英有駐液之
期萑莆知送涼之地則光天之下率土之濱孰不欲戴孰
不幸甚微臣等幸逢休運預沐恩波混虞獸而同歡比齊
禽而累抃無任悚荷之至謹詣朝堂奉表稱賀

爲西京百官賀老君見表

臣某等文武官若干人言臣聞至德之運必有告聖之符
大道之行必有通靈之應故虞舜氏作五老出遊於河渚

周武勃興四神來朝於洛邑伏惟皇太后陛下補天爲盛
配地居尊體國經野肇建惟新之業應天順人果得非常
之事伏見某日勅號州閩鄉縣界老君見并授鄔元宗語
幡然鶴首至哉龍德若游渦水之年疑往流沙之路敘皇
威之有截論國祚之無疆道可以濟天下功可以侔造化
元言妙鍵關令受教而先迷神理希微河公願談而莫測
方驗老人見於南極但謂承天黃人遊於後池止云乘土
固不可同年而議也臣等豫覩嘉祥早參簪笏惟神降福
欣承帝系之隆惟德洞冥願奉元元之慶無任感悅之至

謹附某奉表稱賀以聞

賀赦表

臣某言臣伏奉久視元年十月十日墨制以一月爲正大
赦天下服周之冕衣冠混於無外行夏之時正朔覃於有
截伏惟皇帝陛下天地合德歷數在躬交日月於龍躔會
風雲於鳳紀取新之化首出於九皇除舊之恩曲成於庶
類加以載懷孝享肅事天田休聲動於萬國盛禮懸於百
代凡在形氣孰不昭蘇也
屢偶時來榮沾日用同草樹
而知樂類鳥獸而增歡跡雖限於一隅心每馳於雙闕抃

舞昌運倍百恒情不任屏營之至謹附賀正使某官奉表
稱賀以聞

為涇州李刺史賀慶雲見表

臣某言伏奉詔書上御武殿有慶雲映日見於辰巳之間
肅奉休徵不勝抃躍中賀臣聞諸瑞應圖曰天下太平則
慶雲見天子大孝則慶雲見伏惟皇帝陛下早朝宴坐憂
勞庶政遠無不肅邇無不懷神感潛通至誠上格涼秋中
月滯雨移旬天心合而喜氣騰陽德動而愁陰歇文章郁
郁惠日照而成彩花藹蓬蓬晴風搖而不散雖復紫雲來

漢皇殿白雲入殷帝房校其優劣疇以爲喻臣運奉休明
榮沾刺舉千年多幸已逢河水之清百辟相歡重偶叢雲
之曲不任悚躍之至謹遣某官奉表稱慶以聞

爲百官賀斷獄甘露降表

臣某等文武百官若干人言一昨伏見御史中丞吉頊稱
某日承制推法司斷事惡逆者會赦不免謀反者會赦從
流主上以爲輕重不當陷人入罪制曰君親無將將而必
誅安有忠孝同極而流罪異貫若此者豈欽恤之意邪旋
命主司奏上沿革謹按貞觀律唯有十卷其捕亡斷獄兩

卷乃是永徽二年長孫無忌等奏加果非庭堅所制百寮
蒙瞽一朝開鑿聖鑒元通有如影響自發德音之後每夜
觸處有甘露降者臣等中賀臣等聞刑罰者人之鞭策號
令者國之舟車所以懲惡止姦輔政助化故軒轅之爲君
也設法而天下安樂陶唐之爲帝也察令而天下昭明然
則不令而誅不教而殺是虐人也法不勝姦刑不制罪是
陷人也有以知懸之象魏布以都鄙是謂禁人爲非銘之
鍾鼎鑄之金石是謂丕天之責爲人上者可不務乎若乃
前主所是疏爲律後主所是疏爲令事有不合於古不務

於時則弛而更張矯以歸正正朔三而改文質再而復王
禮不相襲帝樂不相沿夫何爲乎亦云適時而已惟天冊
金輪聖神皇帝陛下躬明哲之性秉淑聖之姿順風雨以
發生乘雷電以震耀推功天地所以告成太室致孝祖考
所以宗祀明堂陳寶鼎於帝庭正土圭於王邑能事畢頌
聲興冤積之氣不彰刑殘之尸復育斷獄四百愈鑿寐於
淳源科條三千尚勛勞於畫象日者有司奏牘議事不明
大聖當樞囚人軫慮但臣之事主猶子之事親父子則身
體髮膚君臣則股肱元首出忠入孝義在俱全履霜堅冰

法無異罰曲禮垂教子處洿宮之條大傳立文臣從瀦室
之坐何以纔經赦宥頓隔刑書反逆首條而遂生惡逆末
坐而猶死下上簪履顛倒衣裳遂使吏生淫巧人無常禁
逆節所以時萌凶黨由其或在夫立殺止殺制刑息刑重
其死然後生峻其法然後禁禮以齊君子刑以齊小人非
惟聞義而輸忠固亦知教而遷善斲雕爲樸自然登至道
之初墨幪赭衣何必獨上皇之代銓也法也念茲在茲昔
者仲尼修春秋亂臣賊子懼梁靖撰七序竊位素食慚況
我大君財成上帝制作昭昭焉若日月之代明纍纍焉似

星辰之錯行有典有則是彝是訓懷生幸生而有餘羣下
瞻仰而不足蕭相國捃摭秦法窺天無階杜武庫參定漢
章踏地失措誠可以垂後誠可以達幽至人無心靈契昭
於元極昊天有命神物萃於休期巽風未行甘露頻降亦
何止言善而星退躬禱而雲來夫其素液繁灑芳滋豐溢
叢駢六氣之英搖動二儀之粹匝園林而並潤溥郡邑而
同霑漢宮無假於玉盃魏殿不勞於瓊爵臣等謹按甘露
者美露也一名膏露一名天酒其凝如脂其甘如飴蓋神
靈之精仁瑞之澤稽命徵云稱諡正名則葦竹受甘露孫

氏圖云王者和氣茂則降於草木食之壽援神契云天子刑於四海德洞淪溟則甘露降鶡冠子曰聖人之德上及太清下及太寧中及萬靈則膏露下白武通云甘露之降則百物無不盛也陛下俯迴沖睭親定律文必也正名果符稽命是使孟堅持論談功德而未詳抱朴裁書稱太平而不盡上可以輔聖躬之壽下可以延庶物之和言之動天一至於是臣等庇廕昌運接景清朝常勉志於克家每勤誠於報國恭聞大典伏覽殊祥臣知拱極之尊子識晞陽之慶無任抃躍之至謹詣朝堂奉表稱賀以聞仍請宣

付所司頒告遐邇

爲許智仁奏懷州黃河清表

臣智仁言臣聞德水清漪詩人以此興頌濁流澄鏡大聖
於是登期伏惟皇帝陛下道叶二儀功超萬古上元降祉
變孟津於綠波厚載呈祥發榮光於翠浣臣以去月得河
內縣申云自太平邨已下三十餘里河水變清各遂淺深
泠然徹底鱗介之族無所藏形謹自依極疑息閱一作其
狀又嵩高維嶽形入清流少室竒峯參差具寫謹按易坤
靈圖曰聖人受命瑞見於河伏見涼州立石式昭靈命臣

金定全月文 卷二十一
部黃河應時清徹天禎地貺既符易象之文聖祚河清暗
合靈圖之義古人歎其難候臣今乃得親觀身體太平之
風目擊會昌之瑞無任悅豫之至

賀秦州河清表

臣聞崇高不及之謂天廣博無涯之謂地若乃參天地之
元化代覆育之神功者其在聖人乎故能俯同五情恩浸
八紘允膺千載仁霑萬代明靈之貺自我所招幽顯合符
斯其效矣伏惟皇帝陛下家六合馭三光推明允之一心
置於天下之腹用徇齊之四目招於萬物之情蚡蟲麋卵

之所安猶懷夕惕輿頌芻蕘之瞽說尚迴天睠其所愛育者多矣而況於鰥寡孤獨乎其所容納者衆矣而況於公侯卿士乎至若削平宇宙混一華夷乃武也政教會昌樂新禮創乃文也穆巖廊以凝睇調風雨於絕垠乃聖也運埏埴以裁成動陰陽而不測乃神也體茲四霽侷彼兩儀神物之來蓋惟常理伏見秦州刺史表今月某日黃河水復清深淺澄映百有餘里清自龍門之下驗登期以御天波及萬春之卑表無疆以彌壽臣聞道之所格者宏則靈之所感者大德之所包者厚則地之所應者深是以千祀

登期自古歎其難遇一歲之內祚聖人而再清求諸典墳
竟無倫匹在於明世絕後光前宜其上荅靈心升中告禪
金聲玉振合百神於介邱玉輅朱輪副萬國之翹首則普
天幸甚何其樂歟臣等越自下才欣逢上德致百王之不
致聞億載之未聞舞蹈之深實百恒品

為涇州李使君賀慶山表

臣某等言某日奉某月詔書新豐縣有慶山出曲赦縣囚
徒改新豐為慶山縣賜天下酺三日凡在含生孰不慶幸
中賀微臣詳窺海記博訪山經方丈蓬萊人跡所罕到層

城元圃道家之妄說伏惟皇太后陛下應天順人正位凝
命中外咸一陰陽以和嘉木四方而平春露草三旬而候
月冲恩浹洽嘉貺駢闐當雍州之福地在漢都之新邑聖
渚潛開神峯歟見政平而湧自蕩於雲日德茂而生非乘
於風雨游龍蜿蜿疑呈八卦之圖鳴鳳噤噤似發五音之
奏仙蠶曳繭美稼抽芒一人有合於天心百姓不知其帝
力方驗鎮星垂象山萌輔地之徵太歲加年水兆載坤之
應天人交際影響合符雷雨旣作嘉氣冲於三象鍾石以
陳歡心動於萬物臣幸忝簪帶濫守藩隅不獲馳蒼闕而

拜手望紫庭而繼足殊祥踵至寶算無疆厚賚傍霑羣生
幸甚不任悚踊之至謹遣某官奉表以聞

爲百官賀千葉瑞蓮表

臣某等文武官若干人言伏奉恩旨垂示臣等千葉瑞蓮
觀其綠裹紅葩紺莖素萼露搖珠點霞拆金鬚百星交映
羽蓋張而一色萬目齊明車輪合而千狀謂翔鸞之欲舞
若羣鷁之並飛峯形聳而半天石勢蹲而臨海沖氣積其
下惠風流其上服之可以登仙採之可以駐壽雖復釋梵
天王之國千影離婁善住天子之池雙輝燦爛校之今日

未可同年臣等謹按華嚴經云蓮花世界是盧舍那佛成
道之國一蓮花有百億國無量清淨經云無量清淨佛七
寶池中生蓮花上夫蓮花者出塵離染清淨無瑕有以見
如來之心有以察如來之法道之行也曾不徒然伏惟天
冊金輪聖神皇帝現此妙身當茲巨瑞符契冥合影響不
差有百億國無量清淨者天意若曰護蘇蟻結默啜蜂飛
聞鼓鞞而革面望旌旗而懸首指揮而邊境獲安高枕而
中國無事風行電掃納噍類於百億之區霧廓塵銷反遊
魂於清淨之域深仁所及不亦宏哉臣等濫奉朝恩親披

瑞牒非常之貺曠古未聞殊特之珍歷代一見手舞足蹈
倍百常情無任慶躍之至謹詣朝堂奉表陳賀以聞

爲魏州成使君賀白狼表

臣某言某月日得所部魏縣申稱得令孟神符牒稱某日
得佐吏長壽鄉單守中狀稱隆周長壽兩鄉界有白狼見
臣等嘗恐是虛未敢即申因處分諸鄉若有見者輒令繫
取某日長壽鄉致仕前游擊將軍上柱國朱佛兒於長壽
鄉界內逢白狼馴狎無懼人意遂以繩絡頭繫得隨送者
臣謹按瑞應圖云白狼者金狼精也殷湯時銜鈎入於庭

王者仁智明哲即至動準法度即見周宣王時見而犬戎服伏惟皇帝陛下元期兆朕靈命氤氳物類有感而必通符祥不召而總集金精累爍鼓鑄於陰陽玉毳霜翹騰倚於郊甸應時乃出野心狎而無驚有道則游貪性馴而不搏亦何必兕豹可履虺蛇可弄者哉徵故事於璇鈴考異聞於玉冊出自神符之縣顯符命之通神來於長壽之鄉明久長之益壽重以陛下獨尊三界高視四天身運明哲動循法度既合周王之時仍彰犬戎之服上元潛驚佛兒來送天尊若曰陛下養衆生其如二乎善守其中亦可知

金定全唐文 卷二百十八 三
矣謹尋令式唯合申臺臣以尊號初加神聰顯應守文不
奏恐爽靈心無任躍悚之至謹冒死遣官奉表稱賀以聞
其白狼既非常獸臣未敢即放之山野見令佛兒養飼伏
聽進止

代家奉御賀明堂成表

臣某言臣聞昭昭上天五座列降神之府赫赫中國九筵
開布政之宮自軒皇肇制帝堯嗣作歷虞夏而維新在殷
周而克壯斯皆尊祖配帝從時統天節寒暑而吹律順陰
陽以班令降及有漢頗採前章雖年惟屢豐而日不暇給

過此以往寂寥無聲伏惟天冊金輪聖神皇帝陛下興復
舊邦光啟新邑萬物覩而聖人作百寶用而神靈滋遠肅
邇安功成道洽泥金刻玉已修中嶽之儀乘鸞駕龍更葺
正陽之禮乾策坤策具稟宸聰左个右个親承獻式朴畧
淹中莫能言其制度崎嶇汶上疇克効其規模土事不文
木事不鏤九柱自立豈藉瑯琊之飛二石潛開寧煩穀城
之採板築星奔而化造斧斤風動而神助聖有通於上帝
產無費於中人由是日抱紅輝雲叢紫靄霜毛下翥電翼
羣飛夕見神光似對莊嚴之國晝聞仙響疑過敷樂之天

昨日而成衝霄特起仰浮圓笠俯鎮方輿金鸞驚而將飛
玉驪龍而若動三辰引曜相望於複道之間六氣氤氳旁
魄於重檐之半可以發大教陳盛容會百神朝萬國比二
儀而永固齊四序而偕行允所謂穆穆皇皇巍巍蕩蕩者
矣微臣攀光日用荷蔭天休接五尚之隆班霑九清之下
列方圓罕任叨重寄之呈材輪奐無施濫殊私於構厦仰
之不逮雖謝於鷗翔成輒相歡竊同於燕賀手舞足蹈倍
百恒情無任悚躍之至謹奉表稱賀以聞

代百官賀明堂成上禮表

臣某以下文武官若干人等上言臣等聞上帝居高懸太
微之府先王建國闢宗祀之堂不有聖人誰其經始伏惟
天冊金輪聖神皇帝陛下尊祖揚禰嚴禋之德再光統天
順時布政之道尤急親紆睿思躬運元模故能上合乾象
下當坤策柱將扶而已立石未鑿而懸開丹鷲躡薨似鳴
岐而遠至蒼虬繞棟疑出河而欲飛神光熠燿於向晚仙
樂清泠而方晝月惟孟夏時屬正陽張文物於闕庭震聲
名於寓縣聖皇戾止諸侯在列穆穆焉禺禺焉交喜氣於
三靈動歡心於萬類者也臣等進窺朝典旣逢嘗麥之辰

旋顧野誠輕襲獻芹之禮謹上禮若干舉如別項滋疎鶴
鼎味劣蠹庖何以延萑莆之涼契芝英之壽無任丹懇之
至謹奉表稱賀隨進以聞

爲韋右相賀平賊表

臣某言伏奉某月日遞勅逆賊等並已傳首都市幕庭拜
受旌門宣告凡預軍司孰不慶悅中賀臣聞惡禽怪獸有
以彰普覆之仁亂臣逆子不能損盛明之德故三監作難
周王未寢於頌聲七國爲災漢帝克臻於刑措伏惟聖母
神皇陛下象天之運法地之安澤浸河海光懸日月以忠

信爲甲冑以慈惠爲干戈所向無前何人不服舉神兵如
電掃破兇黨若冰離數月妖氛一朝清蕩斯實皇威遠肅
聖化傍霑故能市不改肆人皆安堵臣濫承天澤忝預戎
麾聞逆命而增憤聽梟懸而累抃慶快之情倍百恒品不
任悅豫之至謹附某官奉表稱賀以聞

出外籍之至顯州某官奉赤縣贊以聞
 聖聞並命而賦對難稟懇而累林慶對之計皆百餘品不
 聖以對意姑推市不如輯人皆安對且聖承天聖亦好英
 寶赫如泉黨若水麟樓只效辰一賤高葛淇寶皇為數備
 高為甲胃以慈惠為千丈湖向無前向人壽銀樓軒其妙

欽定全唐文卷二百十九目錄

崔融 三

爲裴尚書慰山陵事畢上表

爲韋將軍請上禮食表

請停讀時令表

爲宗監請停政事表

爲溫給事請致仕歸侍表

爲王起避諱辭澧陽縣令表

諫稅關市疏

吏部兵部選人議

斷屠議

拔四鎮議

高宗臨幸乾文草奏

高宗臨幸乾文草奏

高宗臨幸乾文草奏

高宗臨幸乾文草奏

聖編

欽定全唐文卷二百十九目錄

欽定全唐文卷二百十九

崔融 三

爲裴尚書慰山陵事畢上表

臣某等言自過密纏悲山陵啟卜陛下情深撤帳戀切遊
冠至於鹵簿吉凶途程日月莫不親垂睿旨顯發宸衷由
是川后競馳山祇薦委雲物澄霽景氣清和靈驂電轉非
因下人之力神輦風行自有上天之助山河道路曾不艱
虞木石犬馬咸當感悅豈非大孝所洽通於神明至聖所
宏動於天地者矣伏以某日吉辰永安神寢郊原四合門

闕九重傍奉園林近瞻京邑元宮一閱紫禁長辭萬國同
軌五情分裂伏惟皇太后陛下哀慕永往聖懷難居臣等
早侍軒墀謬沾簪履攀龍不及顧慕軒轅之臺耘鳥相驚
屏營會稽之野限以歸從末由詣闕無任悲感之至謹遣
某奉表以聞

爲韋將軍請上禮食表

臣某言臣聞坤德承天所以曲成萬類陰靈配日所以兼
燭四方故媯水佐虞塗山翼夏殷之興也有華光其業姬
之盛也太姒贊其功用能家道以正國風茲始伏惟陛下

日受朝布政因以時令之禮附於元日行之今布政等禮已停不合更讀時令所司因循去年元日尚讀有乖古典事須停廢臣謹與鸞臺鳳閣考古詳議已停讀訖不敢不奏

爲宗監請停政事表

臣楚客言臣聞古之聖君慎擇賢佐故軒轅得力牧而爲五帝先夏后得咎繇而爲三王祖殷之盛也伊尹格於皇天姬之隆也虢叔聞於上帝斯皆應風雲之會依日月之光社稷繫以興衰時政由其輕重粵若大周之有國也天

策金輪聖神皇帝提封千里光宅四天道化淳醲神功靜
默雖堯年無事久聞童子之謠而漢家用人或取匈奴之
笑臣某中謝臣疲驂強策卒無行地之功決羽曾飛終罕
沖天之望今臣經術淺短才能朴畧言不足以補世行不
足以勵時徒以枝葉微姻葭莩末屬遂得拔擢泥滓騫翥
雲霄食君厚祿不能有所輸報受君殊寵不能有所發明
茫然政途妨此賢路外慙衆口內愧諸心朝廷亦何異捨
陸而泛舟膠柱而調瑟當域中之有道豈天下之無人嘗
深鼎覆之憂每切鼓妖之懼臣之懇懇非欲自保其身臣

睿知神武文思聰明光復丕基惟新寶運包混元而建極
體造化而開階流形日用而不知含氣風從而自樂皇后
坤維發祉軒宮正位黃雲不散白氣常流玉璽載懷椒塗
以峻洛書疇能諭其懿河圖不足紀其靈外理克和内德
惟茂臣濫逢明聖忝當姻戚榮寵被於門庭光耀生於道
路西京六族在昔何優東國七家方今未重魚鼈咸若在
品物而同歡鳥獸率舞顧微臣而倍躍臣聞飲食之禮聖
賢所貴以奉君人以親宗族敢因斯義輒罄丹誠伏望時
降特恩聽臣上禮雖玉饗珍味固無假於獻芹而臣下微

心寔有同於傾藿瞻言抃踴伏竚矜遂無任悃款踴躍之
至謹奉表陳情以聞伏聽勅旨

請停讀時令表

臣伏見去年元日明堂受朝讀時令謹按讀時令自魏晉
已來創有此禮每歲立春立夏大暑立秋立冬常讀五時
令帝升御座各服五時之色尚書令已下就位尚書三公
即奉時令就位伏讀凡五時皆如之所以祇迓天和至宋
朝亦行斯禮此後尋廢迄至國初但存讀令之文亦不行
其事自陛下御極創建明堂舊典缺本莫不補輯每至元

之區區切慮上塵於國今者契丹大勦默啜自來六合大同四方向化加以朔旦冬至鼎命維新五星若連珠二曜如合璧謂宜退不肖進賢良與天同休與人更始又聞管夷吾有言曰德義未明於朝而使居尊位者則良臣不進也功力未見於國而令處重祿者則勞臣不勸也臣有何德而居之臣有何功而處之臣雖至愚敢忘先誠伏乞陛下察匹夫之志思仲父之言坦至公之方宏滅私之道羊叔子之辭開府臣事君以忠庾元規之讓中書君使臣以禮博求於衆廣聽於人停臣檢校夏官輟臣平章政事臣

金定全居文 卷一百一十九
四
得避位清切待罪上方罄竭單誠庶幾或濟伏惟陛下容
納纖陋鑒揆愚蒙使周勃無浹背之慙虞邱有退身之地
則雖死之日猶生之年矣無任惘款屏營之至謹詣闕奉
表陳情以聞云云

爲温給事請致仕歸侍表

臣_{廿二}言臣以凡薄幸承基蔭一霑官侶三十餘年爲子未
能報鞠育之恩爲臣未能答生成之惠公私齟冒夙夜驚
惶久欲退奉家園以避賢路直以犬馬識戀木石感恩猶
希罄竭未即陳叫今臣母虞國夫人妾盧氏行年八十志

力衰謝體氣虛羸先苦胝痺近微風痲委臥牀枕縣歷歲
時扶人不行加帛不暖比者西京有宅老母在堂臣以留
司之餘尚接和顏之半自忝膺皇睠祇命神都子奉局而
莫從母倚閭而空切加以門衰祚薄長兄早世昏定晨省
惟臣一身但臣之所以奉檄載馳釋巾從務貪榮徇祿惟
迫於甘旨淺知薄能豈期於聞達伏惟皇太后陛下天地
容納雲雨露被錄臣勲舊賜臣邱山臣雖小人豈忘大德
然以聖人在上孝理天下整齊風俗砥礪名教臣縱不才
其如禮法何臣雖無識其若朝廷何無任丹血勤懇之誠

謹冒死詣闕請罷官歸養奉表以聞方違軒展伏紙惶戀
云云

為王起避諱辭澧陽縣令表

臣某言臣伏奉恩旨授臣澧陽縣令臣才疎藝薄植此無
庸命偶時來邁茲多幸逢上聖之初劫參太平之末位槐
檀驟徙亟遊銓館之門草芥何為忽枉檟薪之紱召見於
赤墀之下垂恩於紫霄之上豈徒任好之魄忽上於鈞天
固亦闕澤之名遂昇於飛日仰殊私而載惕顧匪服而增
慚雖剡跡都畿永無闕庭之望然委心蓬艾長懷雨露之

仁幸欣就日之明敢憚乘流之遠但以州縣之號與臣亡
父諱同迫切私情不獲遄赴伏乞天慈永錫聖造曲成宏
以孝理之風愍其心瞿之日使得策名他職陳力異邦則
地義天經實辨於名教糜軀粉骨豈酬於鴻恩無任懇迫
之至謹昧死陳表以聞

諫稅關市疏

伏見有司請稅關市事條不限工商但是行人盡稅者臣
謹按周禮九賦其七曰關市之賦竊惟市縱繁巧關通末
遊欲令此徒止抑所以咸增賦稅臣謹商度今古料量家

國竊將爲不可稅謹件事跡如左伏惟聖旨擇焉往古之時淳樸未散公田藉而不稅關防譏而不征中代已來澆風驟進桑麻疲弊稼穡辛勤於是各徇通財爭趨作巧求徑捷之欲速忘歲計之無餘遂使田萊日荒倉廩不積蠶織休廢弊緼闕如饑寒猥臻亂離斯瘼先王懲其若此所以變古隨時依本者恒科占末者增稅夫關市之稅者謂市及國門關門者也惟斂出入之商賈不稅來往之行人今若不論商人通取諸色事不師古法乃任情悠悠末代於何瞻仰濟濟盛朝自取嗤笑雖欲憲章姬典乃是違背

周官臣知其不可者一也臣謹按易繫稱庖犧氏沒神農氏作日中爲市致天下之人聚天下之貨交易而退各得其所班志亦云財者帝王聚人守位養成羣生奉順天德理國安人之本也士農工商四人有業學以居位曰士闢土殖穀曰農作巧成器曰工通財鬻貨曰商聖王量能授事四人陳力就職然則四人各業久矣今後安得動而搖之蕭何有云人情一定不可復動班固又云曹參相齊齊國安集大稱賢相參去屬其後相曰以齊獄市爲寄慎勿擾也後相曰理無大於此者乎參曰不然夫獄市者所以

并容也今若擾之姦人安所容乎吾是以先之夫獄市兼
受善惡若窮極姦人無所容竄久且爲亂秦人極刑而天
下叛孝武峻法而刑獄繁此其効也老子曰我無爲而人
自化我好靜而人自正參欲以道化其本不欲擾其末臣
知其不可者二也四海之廣九州之雜關必據險路市必
憑要津若乃富商大賈豪宗惡少輕死重義結黨連羣喑
鳴則彎弓睚眦則挺劍少有失意且猶如此一朝變法定
是和驚乘茲困窮或致騷動便恐南走越北走胡非惟流
迸齊人亦自擾亂殊俗又如邊徼之地寇賊爲鄰興胡之

旅歲月相繼儻因科賦致有猜疑一從散亡何以制禁求
利雖切爲害方深而有司上言不識大體徒欲益帑藏助
軍國殊不知軍國益擾帑藏逾空臣知其不可者三也孟
軻又云古之爲關也將以禦暴今之爲關也將以爲暴今
行者皆稅本末同流且如天下諸津舟航所聚旁通蜀漢
前指閩越七澤十藪三江五湖控引河洛兼包淮海宏舸
巨艦千軸萬艘交貿往還昧旦永日今若江津河口置鋪
納稅納稅則檢覆檢覆則遲留此津纔過彼鋪復止非惟
國家稅錢更遭主司僦賂船有大小載有多少量物而稅

觸途淹久統論一日之中未過十分之一因此擁滯必致
吁嗟一朝失利則萬商廢業萬商廢業則人不聊生其間
或有輕詆任俠之徒斬龍刺蛟之黨鄱陽暴謔之客富平
悍壯之夫居則藏鏹出便竦劍加之以重稅因之以威脅
一旦獸窮則搏鳥窮則攫執事者復何以安之哉臣知其
不可者四也五帝之初不可詳矣三王之後厥有著云秦
漢相承典章大備至如關市之稅史籍有文秦政以雄圖
武力捨之而不用也漢武以霸畧英才去之而勿取也何
則關爲禦暴之所市爲聚人之地稅市則人散稅關則暴

興暴興則起異圖人散則懷不軌夫人情莫不背善而樂
禍易動而難安一市不安則天下之市必搖矣一關不安
則天下之關必動矣況澆風久扇變法爲難徒欲禁末流
規小利豈知失元默亂大倫魏晉眇小齊隋齷齪亦所不
行斯道者也臣知其不可者五也今之所以稅關市者何
也豈不以國用不足邊寇爲虞一行斯術冀有殷贍然也
微臣敢借前箸以籌之伏惟陛下當聖朝御元籙沈璧於
洛刻石於嵩鑄九一作寶鼎以窮姦坐明堂而布政神化廣
洽至德潛通東夷暫驚應時平殄南蠻纔動計日歸降西

域五十餘國廣輪一萬餘里城堡清夷亭堠靜謐比爲患
者惟苦二蕃今吐蕃請命邊事不起即日雖尚屯兵久後
終成弛柝獨有默啜假息孤恩惡貫禍盈覆亡不暇征役
日已省矣繁費日已稀矣然猶下明制遵太樸愛人力惜
人財主僕舊封妃主新禮所有支科咸令減削此陛下以
躬率先堯舜之用心也且關中河北水旱數年諸處逃亡
今始安輯倘加重稅或慮相驚況承平歲積薄賦日久俗
荷深恩人知自樂卒有變法必多生怨生怨則驚擾驚擾
則不安中旣不安外何能禦文子曰帝王富其人霸王富

其地理國若不足亂國若有餘古人有言帝王藏於天下
諸侯藏於百姓農夫藏於庾商賈藏於篋惟陛下詳之必
若師興有費國儲多窘即請倍算商客加斂平人如此則
國保富强人免憂懼天下幸甚臣知其不可者六也陛下
留神繫表屬想政源冒茲炎熾早朝宴坐一日二日機務
不遺先天後天虚心密應時政得失小子何知率陳瞽辭
伏紙惶怖

吏部兵部選人議

議曰太極生而兩儀見聖人作而萬物覩仰以觀法於天

夫君人者以天下之目視以天下之耳聽以天下之智慮以天下之力動故號令能究而臣情得上聞八千年之初不可得而詳矣夫二十四氣之後請摧揚而陳之軒轅氏之立議明臺斯所以上官於賢也陶唐氏之清問衢室斯所以下聽於人也以大舜之德也而有告善之旌以大禹之功也而有欲諫之鼓然則三皇垂策而下濟五帝擊手而上行唐虞按轡而光宅禹湯驅馳而奄旬雖步驟之道不同而啟沃之情一貫可不務乎今天皇垂衣裳負黼屨獨得千年之景運猶懼一物之未安發德音採輿議憂選

司之或爽慮考績之弗明此天皇堯舜之用心也有司伏
奉明旨以吏部兵部選人每年萬人已上及其銓量十放
六七疲於來往虛費資糧者愚臣敢不悉以陳之夫唐虞
稽古建官惟百舉八才命四子上有以明其化下有以晏
其風康哉之歌於是乎出郁乎之德於此自興夏商倍之
亦克用乂濟濟多士文王以寧自周道無章秦原競逐張
官設府班員積於簡書選衆舉才受垂疑一於典憲降及
漢魏下逮周隋豈其然歟無聞焉爾皇家再造區夏重張
宸極四神驟雨而來遊五聖奔星而下降禮明樂備天平

地成八百餘國之君長襲賓廷之冠帶七十二代之帝王
仰仙間之軌躅量其土宇固可頓豎亥而迷大章算其臣
人固已讐容成而驚隸首室多忠信家盡孝慈老夫不知
帝力童子羞稱霸道文也武也左之右之實蕃有徒不可
勝旣出門無咎適顯於明時比屋可封何驚於聖俗誠望
博謀俊德敷求哲人兩曹妙選三官備設然後收其杞梓
搴其蕭稂其有狀犯賊私罪當懲貶案覆已定景跡具存
者此等旣未合得官遠來徒爲勞費伏望許同選例限以
歲年諸色入流每年參選資品未著伎藝未工此等自知

未合得官情願更加修習伏望許同選例錄以選勞關外
諸州道里迢遞河洛之邑天地所中伏望詔東西二曹兩
都分簡留放旣畢同赴京師選人每年長名常至正月半
後伏望速加銓簡促以程期夫然有署者不來無德者不
至來者就而簡之至者速而遣之因其物情亦何疲於來
往順其人欲亦何費於資糧入官考績先憑善最比來乃
有不不論德行惟據功夫弊勸之道未爲折衷者愚臣敢不
明目以論之書不云乎三考黜陟唐帝虞帝之遺烈燦焉
禮有之矣百官會計文王武王之彝典存焉京房進課式

之言漢王之所未暇盧毓苦真僞之雜魏后竟以施行盡善之文明詔攸在至如不論德行惟據功夫者此由外州郡牧未盡得賢監司長官時有其濫褒貶不遵令式高下隨其愛憎至公外爽曲私內結伏望播告天下申明舊章其有德有行府寮共推者雖有公坐小失重加褒進之無才無識朝廷罕稱者雖有公事微効量加抑退之德行雖不能茂因之以勤勞者亦量加褒進之然後命繡衣驄馬糾舉內外隨狀推科以情案察刑茲無赦令在必行夫然德行爲上功夫次之折衷之方庶幾此道微臣等才謝知

今學慙半古海內無事君子盈朝天下有道庶人何議謹
議

斷屠議

議曰春生秋殺天之常道冬狩夏苗國之大事豺祭獸獺
祭魚自然之理也一乾豆二賓客不易之義也上自天子
下至庶人莫不揮其鸞刀烹之鶴鼎所以充庖廚故能幽
明感通人祇輯睦萬王千帝殊塗同歸今若禁屠宰斷弋
獵三驅莫行一切不許便恐違聖人之達訓紊明王之善
經一不可也且如江南諸州乃以魚爲命河西諸國以肉

金定全唐文 卷一百一十九
三
為齋一朝禁止百姓勞弊富者未革貧者難堪二不可也
加有貧賤之流剗割為事家業倘失性命不全雖復日戮
一人終慮未能總絕但益恐嚇惟長奸欺外有斷屠之名
內誠鼓刀者眾勢利依倚請託紛紛三不可也雖好生惡
殺是君子之小心一作恩而考古會今非國家之大體但使
順月令奉天經造次合禮儀從容中刑典自然人得其性
物遂其生何必改革方為盡善伏惟聖主採擇謹議

拔四鎮議

議曰北狄之為中國患者久哉唐虞以上為獯鬻殷周之

際曰獫狁西京東國有匈奴冒頓焉當塗典午有烏丸鮮卑焉拓跋世則蠕蠕猖狂宇文朝則突厥恣睢斯皆名號因時而改種落與運而遷五帝不能臣三王不能制兵連禍結無代不有長策遠算曠古莫聞夫胡者北狄之總名也其地南接燕趙北窮沙漠東接九夷西界六戎天性驕傲覘伺便隙鳥飛獸走草轉水移自言天地所生日月所置南有大漢北有強胡更相馳突至今陷潰者靡歲而寧焉漢興高皇以百萬衆窘於平城之下國人羞之逮至武帝患其如此赫然發憤肆志遠畧建元中使張騫始通西

域旣而列四郡據兩關以斷匈奴右臂乃復度河湟築令
居塞以絕南羌北交於是乘障塞絕亭燧出長城數千里
矣於斯時也承文景元默之後國用富強太倉之粟相因
水衡之錢貫朽練兵選將深入窮追傾府庫之財殫十馬
之力行人使者歲月亭障貳師驃騎首尾關河餓虎未摧
其國已耗駝駝旣死其人亦殄乃至造皮幣算緡錢稅舟
車榷酒酤夫豈不懷深惟長久之計然也匈奴於是乎孤
特遠竄羽檄不行焉始孝武開西域之後爲置使者校尉
領護之宣元哀平其道不替王莽篡位貶易侯王由是西

域怨叛與中國隔絕並復從屬匈奴斂稅重刻諸國不堪
命光武中興皆遣使求內屬自建武至於延光三絕三通
至唐太宗方事外討復修孝武舊跡並南山至於蔥嶺爲
府鎮煙火相望焉其在高宗勵精爲政不欲廣地務其安
人徭戍繁數用度減耗復命有司拔四鎮其後吐蕃果驕
大入西域焉者以西所在城堡無不降下遂長驅東向踰
高昌壁歷車師庭侵常樂縣界斷莫賀延磧以臨我燉煌
伏賴主上神鑒通幽沖機測遠下嚴霜之令興時雨之兵
乃命右相韋待價爲安息道行軍大總管安西都護閻溫

古爲副問罪焉時也先命蘭州刺史行軍司馬宋師將料敵簡徒倍道據磧賊逢有備一戰而走我師追躡至於焉耆糧道不繼而止竟亦無功朝廷以畏懦有刑流待價於瓊州棄溫古於秦州放棄二罪而諸將咸肅至王孝傑而四鎮復焉今若拔之是棄已成之功忘久安之策小慈者大慈之賊前事者後事之師柰何不圖也四鎮無守則狂胡益贍必兵加西域諸蕃氣羸恐不能當長蛇之口西域旣動自然威臨南羌南羌樂禍必以封豕助虐蛇豕交連則河西危河西危則不得救况復邊境守禦之具未整內

郡武衛之備未精方須命將出師興役動衆向之所得今之所失向之所勞今之所逸可不謂然乎而議者但憂其勞費念其遠征曾不知其感國減土春秋所譏杜漸防萌安危之計夫南羌者請試言之往孝武皇帝築令居時羣羌盟約與匈奴合兵至十餘萬共圍枹罕遣李息爲擊平之是則羌胡同惡有自來矣遽而依西海鹽池左右漢遂因山爲塞河西地空稍徙民以居之至宣帝時先零種豪言願得度湟水逐人所不田處爲畜牧將軍趙充國以爲不可後羌因緣前言遂度湟水郡縣不能禁乃遣充國與

諸將擊平之是則願牧給言非止於今年耳且漢之匈奴曷若今之默啜今之勃律孰與漢之南羌項者若兵稍遲留賊先據要害則河西四郡已非國家之有今復安得而拔之乎何謂非國家之有但莫賀延大磧者伊州在其北沙州在其南延袤向二千里中間水草不生焉每災風橫沙石飛吼行人晝看朽骨以知道路夜視斗柄以辨方隅往往遇駝泉時時得馬酒而後度焉蓋駝馬死者十四五人畜疲極若北有強寇則難以度磧漢兵難度磧北伊西延安及諸蕃無救則疲兵不能自振不能自振則爲賊所

役屬賊吞之又得肥饒之馬馬肥人逸漢復焉得懸軍深入乎有以知通西域之艱難也磧南有沙瓜甘肅四川並以南山爲限山南即吐渾及吐蕃部落賊知漢兵不得度磧必踰南山分路而下磧北賊與突厥通結相合而前則涼州以西勢必危矣故曰非國家之有拔之非便主上以默啜逆天置之度外神武不殺上仁好生遂令匍匐請命聳踴知恥中國不聞犬吠之警邊庭不識狼顧之憂聖人之用兵也如此則知啟修政而有扈奔農修德而夙沙至禹焚甲而夷人附舜舞戚而苗民來爲不虛也賈誼書云

周成王問鬻子曰聖王在上位使人富且壽夫富則可爲也壽不在天乎對曰聖王在上位則天下無軍兵之事則人免於一死而得一生矣君積於道吏積於德人無凍餒則免於二死而得二生矣君積於仁吏積於愛則刑罰廢人無夭闕之誅則免於三死而得三生矣使人以時而用之有節人無癘疫則免於四死而得四生矣今聖主在上人得四生稟氣流形孰不幸甚然爲邦之道安不忘危漢時單于上書願保塞請罷邊備郎中侯應習邊事以爲不可東漢時西羌作亂徵天下兵賦役無已司徒崔烈以爲

宜棄涼州議郎傅燮厲言曰斬司徒天下乃安涼州天下
要衝國家藩衛世宗拓境列置四郡議者以爲斷匈奴右
臂烈爲宰相不念爲國思所以弭之之策仍欲割棄一方
萬里之土若使左衽之虜得居此地土勁甲堅因以爲亂
此天下之至慮社稷之深憂竟從燮議今宜日慎一日雖
休勿休採侯應不可之言納傅燮深慮之議然後風爲號
令雷爲折衝繕甲兵思將帥上與天合德下與地合明中
與人合心善戰者不陣如斯而已矣拔舊安之四鎮委難
制之兩兇求將來之端考已然之驗伏念五六至於再三

愚下固陋知其不可伏惟朝廷再三察焉謹議

與入合心善燥者不朝收旗而曰吳封首定之四餘變

今雷為作論論甲兵思深輔土與天合斷不與世合則中

朴於朴和對獻不問之言物斯變亦感之蕭然對風為難

此天下之至氣其野之氣憂其於變請今宜日射一日變

萬里之上答對之野之氣野為此此土烟甲變因以為

賢德為宰相不念其國想新以簡之之策以路得棄一木

要簡因來歡謝好宗時對候置四得蕭皆以為繼位效亦

宜業就依着波新變萬言曰博信於天下不與世合則中

宜業就依着波新變萬言曰博信於天下不與世合則中